

Elizabeth Guanipa den workshop di ceramica na Kooyman

E momento magico den Kooyman, cu hendenan inspira y concentra trahando riba nan obranan artistico unico. MAS ARTE - FOTOGRAFO CADO DE LANNOY - Y MUSICO KEVIN DAVIDS - Recientemente, mi a conoce un hoben hopi talentoso den sacamento di potret unico y stranjo cu otronan no ta pensa mes riba nan. Pabien Cado de Lannoy, yiu homber di Sra. Enid de Lannoy . Durante e anochi ey na Atelies'89 , e banda "Toit Ensemble" tawata toca, cu entre nan e talentoso Kevin Davids cu mi a mira toca den e sala di Cas di Cultura recientemente durante e Jazz music festival. Eynan nan nomber di banda tawata "On set ". Tawata

un anochi di charla interesante y informativo cu panelistanan for di exterior, e.o. di Bahamas , cu varios artista expresando nan mes transparentemente cu nan pro's y contra's den e mundo di arte .Despues esnan presente por a goza di un bunita presentacion di baile di alumnonan di e scol di baile di Diana Antonette cu coreografia di su yiu muher Alydia Wever." E biaha aki nos a goza di a wak e gentil caballero Nico Luydens, y Diana Antonette mes den nan bailamento di un dushi wals y depues Nico a join e grupo tambe cu un dushi tumba. "Mi cultura, bo cultura, nos cultura tin'un cos " - Arte ta cre- siendo mas y mas na Aruba



tambe. Bo lo keda sorpresa di wak un trankera en bibo traha den e edificio, como arte. - Tur cos stranjo traha den otro ta arte, tur hende tin un artista den nan, of un cantante, un bailador of un Poeta. Pero ta algun so ta probecha di pidi yudanza financiero, banda di nan trabao normal cu entrada, pa comparti di nan arte.

BON TRABAU DI JOHN

FREDY MONTOYA Di COLOMBIA

Contento cu e "gang di arte" bau guia y supervision tremendo di e artista hopi inspira y hopi talentoso John Fredy Montoya, cu por cierto no a nace aki na Aruba, pero cu tin Aruba y tur locual tin di haber cu Aruba su cultura den su curason, den su sanger, Afterall, nos ta un isla multicultural y multifacetico. Ta conosi cu hopi di nos pintornan ta autodidact por ehempel, pero cu nan talentonan expresa den formanan bon y bunita, mescos of mihor cu algun cu a termina nan estudio academico den exterior. Pero, all in all, tur arte ta unico y diferente. Bo ke wak algo cu ta parse un potret of algo mas rustico cu falta poco verf aki aya, bo ke wak algo simpel of algo mas complica, bo ke wak algo suave of algo fel....etc. Ban wak con lo bai cu e Rietveld akademie di arte aki na Aruba.



Den Noticia. - (diamars 20 di november 2012), p. 9